



UNIVERSITÄTS-
BIBLIOTHEK
PADERBORN

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. LX. Melchior De Polignach, Gallus.

[urn:nbn:de:hbz:466:1-72633](#)

MELCHIOR DE POLIG- NACH , GALLUS.

Melchior S. Mariæ in Porticu Cardinalis de Polignach Gallus natus est An. 1661, die 11. Octobris ex Illustrissima Vicecomitum de Polignach Familia, quorum gentilitium castrum Polignachium dictum, situm est in agro Velauniensi tractus Cemmenii haud procul Anicio, quam Urbem Galli LE PUY indigitant. Nescio an unquam illustrius sydus nobilissimæ huic per Provinciam Cemmeniam familiae exortum fuerit; certè primus omnium fuit, qui Comitatûs honorem in perpetuam familiam suam intulit, immò quod plus est, Purpuræ Gloriâ insignivit. Neque vulgaribus ille naturæ ingenioque dotibus ad eum gloriæ apicem evehebatur; nam eximiæ prudentiæ, perspicacissimæ indolis, acerrimique judicij & prorsus admirandæ memoriæ Vir facile in publicum Orbis theatrum cùm gloriâ prodiit: Literarum etiam institutione tantum excrevit ingenita facundia, ut Summorum Oratorum feracissima Gallia paucos admodum exhibeat, quibus is ore penetrabili & dicendi facultate quicquam concedat. Politicas etiam regendi artes tam probè callebat, ut Regum Sapientissimus Ludovicus XIV. exercitatissimam Viri Prudentiam probè contemplatus, non alio Ministro uti voluerit, per quem maxima quævis negotia, & publicam regni felicitatem concernentia, feliciter in exterorum Principum Aulis conficeret. Eum Polonia, Germania, Gallia, Italia non modò ex famâ cognoscunt, sed præsentem, & cum circumspexitissimâ Sapientiâ maxima quævis tractantem, non sine admiratione præstantissimæ indolis intuebantur. Hoc etiam in eo mirifice laudatur, quòd omnis dicacitatis juratus osor, grandia consilia nunquam non admirandâ solertia tegat, probè gnarus, consilia præsertim aulica, tamdiu tuta, quamdiu tecta. Prima ei Provincia in Poloniâ obtigit, quò Anno 1693. regius legatus ibat, ut in aulâ Joannis III. Sobieskii Galliæ utilitatibus invigilaret; nec etiam inutilem Galliæ operam ibi posuerat: nam ex præcipuis regni procuribus permultos Galliæ amoribus mirè conciliabat: in ipsius etiam Regis, Reginæque animo tantum dominabatur, ut maximè ardua totius Regni negotia cum prudentissimo hoc Apolline communicarentur. Post mortem Sobieskii statim patuit, quām is efficaciter procerum Polonorum animos ad Gallicas partes adduxisset. Cū enim in patentibus circa Warsoviam campis de novo Rege eligendo Comitia celebrarentur, res pene in eo erat, ut Franciscus Ludovicus Princeps Contiacus Rex proclamaretur, Archiepiscopo Gnesniano, eodemque regni Primate Radzioskio eas partes cum suæ factionis hominibus mordicus tenente; sed prævaluere Austriæ conatus, & Joannes Philippus Episcopus Passavensis ex Comitibus Lambertiis ab Imperatore Leopoldo ad ea comitia missus, ut pro Friderico Augusto Saxoniæ Principe, & S. R. Imperii Septenviro in Polonico solio reponendo nullum non arietem admoveret, Machinam illam ab Archimede Gallico assabré combinatam dissolvit; aut si malvis dicere, Lamberti Cicero vixit est esse, qui Magni illius Hortensii conatus in ipso successu lætos infregit. Manserat tamen rei bellè ordinatae laus penes Polignacum; nam intra momenta prudentiæ laborans solertia suæ partes stre-

nuè obibat, contra successus, à concepta spe abludens, fortunæ debebatur. Anno 1707. Romanum deferebatur, ut in illo Nationum omnium theatro Galliæ Comitatem, Affabilitatem, & concinnos mores cunctis exhiberet. Imò cùm Sacra Rotæ Romanae Auditor assideret, in audiendis partibus æquabilem animum, in cognitione causarum ingenii perspicaciam in dicendis sententiis inconcussam justitiam præseferebat. Postquam per complures annos suum nomen Romanis notum & amabile reddidisset, in Galliam properè revocabatur, cuius urgentissimæ necessitates maximum hunc Virum sibi vindicabant. Agebatur enim Anno 1710. de Pace Cœfarem inter & confederatos ex una, & Galliarum ac Hispaniarum Reges ex altera parte ineundas. Hinc die 4. Martii Parisiis non tam abibat, quām volabat, amicam pacis olivam, Marte exulare iussa, si res bene procederet, relatus. Intra quartam diem Bruxellas tenebat; inde Gertrudisbergam destinatam pacificationi Sedem iter prosequebatur, ibi per quinquemestre spatiū sedulò pro pace insudatum. Et quamvis ea negotiatio exitum tunc quidem fortita non fuerit; jačta tamen fuē illius Pacificationis fundamenta, quæ altero post anno magno Galliæ sua bono eruperat. Conventus tunc lectissimorum totius Europæ Legatorum ultrajectum indicebatur. Comparebant per Legatos Roma, Austria, Gallia, Hispania, Lusitania, Anglia, Suecia, Prussia, Provinciæ Belgii Federati, Moguntiæ, Treviri, Coloniæ, Palatinatus, Saxonia, Sabaudia, Florentia, Lotharingia, Venetiæ, Janua, Mutinæ, Parma, Guastalla, Monasteriū, Casselio, Wirtenbergia, Franconia, Suevia, Circulus Rhenanus uterque: proponebantur pacis leges, & Angli dictatoriæ potestate utebantur. Hanc Ariadnen Gallia invenerat, quā filum porrigente è summis, quibuscum luctabatur, angustiis emerget. Tunc sagacissimus Polignachius artes omnes, nervos omnes intendebat, ut laboranti Galliæ sua felicitatem præstaret; et enim verò præstitit, pace procurata, quā meliorem Gallia in eo rērum statu neque quidem exoptare poterat. Legetur itaque in Galliæ fastis Polignachius Pacifator, & quoties faultissima Pax Ultrajectina posteris occurret, unā Polignachii sua Procuratoris felicitatis nomen gratissimam memoria reverebitur. A Legatione Vetricetina redux in Galliam factus, Christianissimo Regi Celeberrimam Universitatis Parisiensis nomine, ejus felicitatem pacis doctissima oratione gratulabatur. Est, cur ex amoenissimo illo eloquentiæ horto paucos flosculos decerpam, afferebat: Nunquam sinceriori gaudio Musas exultare, quām cùm depositis armis pax resoresceret; in medio tamen belli ardore id saltem solatii se hausisse, quod cogitatione præcipiteret, concordiam præ foribus stare, eò quod nunquam spes pacis major affulgeat, quām cùm serio bellum geritur. Cum scilicet ex fractis & collis nubibus serenitas prodeat. Christianissimum Regem in robur plusquam Athlanteum valuisse; utpote qui Galliæ orben, totius Europæ armis quassatum, intrepide succollâset, & nutantem in Maximi Nepotis capite coronam suā sapientiâ & virtute consolidâset. Deum, in cujus manibus hominum corda essent, mutatis derepente in diversum animis, Europæ Regibus pacis consilia inspirâse, qui prius præter coacervatas cædes & ardentia provinciarum busta nihil cogitârint. Eam esse, & semper fuisse Galliam, quam hostes in bello formidarent, amici in pace reverenter. Sic ille. Cujus equidem operæ, in ejus confectione pacis prætitæ, Galliarum Rex Ludovicus XIV. ita respondebat, ut Sacram sedem repetitis precibus pulsaret, ut Virum Christianissimam Galliæ sua usquequaque utillem, in Sacre Purpuræ gloriam accerferet. Nec remoratus est Sanctissimus Pater in eo Viro honorando, qui Pacem orbi reddidisset. Hinc Cardinalem dicebat Anno 1712. die 18. Maii. Nec tamen ante 30. Januarii anni pone in sequentis promulgabatur, & sat citè, dum sat bene insignia merita compenfabantur, Rex non contentus Sacro Verti rubrum biretum impoñisse, Abbatiam Anchianam, cuius redditus ultra quadraginta librarum millia ascendunt, ejus curæ demandandam curavit. Regiæ non minus Musæ præficietur, dignitate in summos plerumque Galliæ Dynastas cadere foliâ, & admirabili eo virtutum fuardum centu, concordi symphonie ordinande aptissimum videbatur. Adhac Rex Christianissimus, ut summas huius principis dotes etiam in suis remuneraretur, in eus Illustrissimum fratrem Casparum Scipionem Armandum Praefecturam Velauniensis Provinciæ contulerat. Fungebatur is primò omnium inter Regios Protectors Capitanei munere. Inde Anno 1684. in legione pedestri (d' aunis dicta) tribunum agebat. Postea Anno 1690. Urbis Annicensis Guberñator renuntiabatur. Anno 1703. adversus repullantes per Galliam Hugonottorum reliquias strenue decertabat; nunquam verius triumphare vîsus, quām cùm iis infidelitatibus liquiis dedomitis, Orthodoxa fidei trophæa per Galliam noviter explicaret. Demum in Regio exercitu supremus locumentene denominabatur. Adeoque si Comparationem inter hoc nobile par fratrū probè instituere placeat, non incongruè conficiemus, Eminentissimum Purpuratum Melchiorem Polignachium Sagissimum Ulyssem existere, quem prudentissima consilia commendent, & in oculis Galliæ longè prætiosissimum reddant; contra Scipionem Armandum, in Ajacis fortitudinem excrevisse; utpote qui stylo ferreo in acie rem strenue peragebat. Interim tamen in comperto est, non Gallicum Herculem fuisse, qui pacem Ultrajectinam extorserit; sed hanc suam à Galliâ felicitatem togatis in Conclavibus Viris deberi. Modò Eminentissimus Purpuratus res Galliæ, Christianissimi Regis in Aulâ Romanâ internuntius, solerter curat, dignus vîsus, quin Urbe Orbis Princeps Negotiorum sumuæ, & veluti arcí rerum præponeretur.